

UNIVERSITY  
OF  
CALIFORNIA

**Kev pab fab nyiaj  
txiag yog muaj  
rau txhua leej  
uas xav tau nws.**

**UNIVERSITY  
OF  
CALIFORNIA**

**Koj yog ib feem ntawm UC.**

## "UC mloog zoo li zoo heev li. Kuv yuav them rau nws tau li cas?"

Peb cov khoos kas kev pab fab nyiaj txiag nyog ib lub uas zoo tshaj plaws. Lawv txhawb nqa cov tub ntxhais kawm ntawv hauv txhua hom ncauj ke, txawm tias lawv li keeb kwm yuav zoo li cas los xij — nrog cov nyiaj pab, cov nyiaj pab rau fab kev kawm, cov nyiaj qiv uas muaj nyiaj paj qis thiab ntau yam ntxiv.

Thiab UC txoj kev kawm los yeej xoops rau tus nqi tshaj plaws li. Kev kawm nyob rau ntawm UC yog ib qho kev kawm paub zoo heev, uas yuav pab kom tus neeg kawm ntawv tiav hla dhau mus rau kev ua hauj lwm uas muaj paj ntsig zoo tau sai.

55% ntawm California cov tub ntxhais kawm ntawv yuav tsis tau them nqi kawm nyob rau ntawm UC vim muaj cov nyiaj pab thiab cov kev pab rau fab kev kawm uas lawv tau txais los no.



70% ntawm California cov tub ntxhais kawm tau txais cov nyiaj pab thiab cov kev pab fab kev kawm li \$18,000, yog muab xam tag nrho. Qhov ntawd yog ze li ntawm \$4,000 uas ntau tshaj tus nqi ntawm tus nqi kawm, uas txhais tau tias muaj tub ntxhais kawm coob leej tau cov nyiaj los pab them rau cov nuj nqis xws li nqi tsev, nqi phau ntawv kawm, cov khoom siv thiab kev thauj mus los.



45% ntawm CA cov tub ntxhais kawm yuav kawm tiav yam tsis muaj nuj nqis nyiaj qiv rau tub ntxhais kawm ntawv li. Cov tub ntxhais kawm ntawv uas qiv nyiaj yuav kawm tiav yam muaj nuj nqis tsawg dua qhov muab xam tag nrho hauv lub teb chaws yam pom tseeb.

## Kev pab fab nyiaj txiag yog muaj rau koj.

Koj tsim nyog thov rau kev pab fab nyiaj txiag, txawm yog tias koj tsis xav tias koj yuav tsim nyog tau kev pab los xij. Nws tsuas yog tib txoj hau kev uas yuav lav tau tias koj yuav tau txais kev txiav txim siab rau txhua hom kev pab uas yuav muaj pab tau, tsis hais qhov twg nyob rau ntawm koj theem nyiaj khwv tau los li. Peb xav kom peb cov tub ntxhais kawm ntawv tau txais txhua qhov nyiaj uas lawv tsim nyog tau.

Kev pab fab nyiaj txiag tuaj yeem tsim muaj qhov sib txawv ntawm tsev neeg lub peev xwm yuav them taus rau tsev kawm qib siab thiab tus nqi yuav mus kawm ntawv.

Cov nuj nqis siv rau hauv tsev kawm qib siab suav muaj cov nqi ub no/nqi kawm ntawv, cov phau ntawv kawm/cov khoom siv, vaj tse/khoom noj, kev thauj mus los, kev tuav pov kev noj qab haus huv, thiab cov nuj nqis ntiag tug. Cov nqi ntawm yuav sib tsub ntau tuaj, tab sis kev pab fab nyiaj txiag yuav raug muab siv rau ntau yam tau, txawm tias tsis yog txhua yam, thiab nws tuaj yeem tshwm sim los tau ntawm ntau qhov chaw tau. Txhua yam yeej pib los ntawm kev sau ntawv thov. Saib tus zauv QR txog cov ntsiab lus ntxaws txog daim ntawv thov.



## Plaub Hom Kev Pab Fab Nyiaj Txiag

**Cov nyiaj pab** yog lub hauv paus loj tshaj plaws ntawm qhov nyiaj PAB DAWB rau cov tub ntxhais kawm thiab tsis tas yuav them rov qab. Feem ntau lawv yuav muab ua khoom plig raws li qhov kev xav tau fab nyiaj txiag. Hom xub thawj yog:

**Cov Nyiaj Pab Federal Pell  
Cov Nyiaj Pab Cal  
Cov Nyiaj Pab UC\*  
Kev Pab Rau Fab Kev Kawm Middle Class**

\*Txhua koog tsev kawm yuav muaj lub npe ntawm cov kev pab nyiaj no sib txawv.

**Cov kev pab rau fab kev kawm** yog cov hauv paus ntawm cov nyiaj PAB DAWB. Lawv tuaj yeem saib raws li kev xav tau fab nyiaj txiag los sis tuaj yeem tau txais raws li kev lees paub txog koj cov qhab nias kawm tau, cov qhab nias kev xeem, lub peev xwm fab kev ua kis las, qhov kev kawm, lub peev xwm tshwj xeeb, qub txeeg qub teg los sis kev pab cuam hauv zej zog. Lawv tuaj yeem tau txais los ntawm cov koom haum ntiag tug los sis tsev kawm qib siab los sis cov koog tsev kawm hauv tsev kawm txuj siab, feem ntau tsis muaj kev hais txog xam xaj los sis qhov txheej xwm kev nkag teb chaws li.

**Kev Ua Hauj Lwm-Kev Kawm** cuam tshuam rau cov hwi tsam kev ua hauj lwm nyob hauv los sis sab nraud ntawm koog tsev kawm ntawv uas yuav pab kom koj nrhiav tau nyiaj los them rau tsev kawm ntawv los ntawm kev khwv nyiaj los ntawm txoj hauj lwm.

**Cov nyiaj qiv** yog cov nyiaj qiv los uas yuav tsum tau them rov qab. Muaj ntau cov khoos kas nyiaj qiv ntawm tsoom fww, hauv tsev kawm qib siab thiab tuam txhab ntiag tug. Hom xub thawj yog:

**Nyiaj pab rau neeg txom nyem:** Tsoom fww yuav them cov nyiaj nyiaj paj thaum uas tus neeg qiv nyiaj tseem kawm ntawv.

**Tsis tau txais kev pab them:** Cov nyiaj paj ntsig yuav sau ntau zuj zus tuaj thaum tus neeg qiv nyiaj tseem kawm ntawv.

## Zoo, yog li hais txog UC tus nqi kawm ne yog npaum cas?

Yuav muaj tus nqi kawm thaum cov tub ntxhais kawm ntawv cog lus los tso npe kawm ntawm koog tsev kawm ntawv ntawm UC lawm. Cov tub ntxhais kawm ntawv tuaj yeem cia siab tias tus nqi kawm yuav nyob tsis hloov pauv mus txog li 6 lub xyoo. Siv tus zauv QR hauv qab no hais txog cov ntaub ntawv tshwj xeeb.

## Yog xav paub ntau ntxiv:



<https://admission.universityofcalifornia.edu/tuition-financial-aid>